

excellentibus per ecclesiam Cluniacensem transeuntibus porrexerint; quia per hoc congregatio diffamatur universa, tanquam fures puniantur, quia ob hæc instituitur capitulum generale, ut corrigantur corrigenda, et ut supradicti proponant quæ videntur proponenda. De proprietariis, secundum Regulam S. Benedicti, procedatur usque adeo quod si in fine cum eis pecunia, quam non solum manifestaverint fuerint inventa, Christiana careant sepultura, sententia excommunicationis, si propter hoc lata fuerint, penitus relaxata. Communitatem in refectorio volumus observari, antiquas tamen et regulares penitentiis approbamus, vitiosa novitate reprobata,

A quam faciunt obedientiarum, pretiosa cibaria comparando. De licentia tamen misericordiam habeant seniores et infirmi.

Cap. XXVII. De institutionibus custodiendis.

Statuimus præterea, ut tam priores quam camerarii præsentibus institutionibus præ manibus habeant ut in visitationibus camerariorum priores respondeant de singulis requisitis. Idem a diffinitoribus fiat in capitulo generali. Illi autem qui jam appellaverunt, cum satisfactione recipiantur. Ita tamen quod in claustro Cluniacensi non habeant de cætero mansionem, sed ad obedientias divisi mittantur exteriores.

APPENDIX AD HUGONEM.

ROSTANGNI CLUNIACENSIS MONACHI TRACTATUS

Exceptionis capituli S. Clementis papæ et martyris ab Constantinopoli ad Cluniacum translati, tempore Hugonis abbatis.

(*Biblioth. Clun., 1481.*)

Ad corroborandam fidem fidelium, et ad augendam devotionem audientium, quomodo vel qualiter, vel a quibus factum est, vel quæ fuit causa hujus translationis, pro modulo sensui mei, præsentibus et futuris certificare studui. Hujus facti causa fuit captio sanctæ civitatis Hierosolymæ, quæ pluries a pluribus est capta, imo plerumque a plerisque usque ad solum est diruta. Hujus civitatis casus et clades, quas pro peccatis incolarum passa est, audire non est contemnendum, quia in ipsa fides et salus seu redemptio nostra sumpserunt exordium atque perfectionem, quia: *Ibi operatus est Dominus salutem nostram in medio terre (Psal. xxiii.).*

TRANSLATIONIS NARRATIO.

Legimus in antiquis historiis atque prophetis, ubi conditoris nostri miracula, et fortia facta patrum narrantur, quod comminatio excidii, quam Dominus adversus Hierusalem per vaticinia prophetarum mandaverat, ea se non corrigente, per Nabuchodonosor regem Babyloniorum adimpleta est, adeo ut quidam Nabuzardan princeps militiæ suæ non solum civitatem Hierusalem exspoliaverit, sed etiam muros destruxerit, et alumnos ejus Babyloniam captivos transdiderit. Hujus predictæ civitatis ruinas Jeremias quadruplici planxit alphabeto, quæ postea sub

PATROL. CCIX.

B Cyro rege Persarum honorificabiliter reædificata est. Legimus etiam in Evangelio quod cum Dominus per mediam transiret civitatem, quidam ex discipulis ejus ait illi: *Magister, aspice quales lapides et quales structuræ muri ejus. Cui Dominus ait: Vides has magnas ædificationes? non relinquetur lapis super lapidem, qui non destruat (Marc. xiii).* Quod verbis, quamvis præteritorum, carlo et terra transcunte, præteriri non potuit, quia ex ore Verbi æterni prodiit; imo per Titum et Vespasianum completum est, qui non solum usque ad solum civitatem destruxerunt, et inhabitantes Judæos trucidaverunt, et triginta ex eis pro uno argenteo venderunt, verso ordine quia Dominus triginta argenteis ab eis fuerat emptus; rursusque eandem civitatem Ælius Adrianus, Josepho narrante, funditus subvertit; sed quomodo deinceps et a quibus ædificata vel regnata fuerit, usque ad tempus millesimi nonagesimi noni anni, nam ab Incarnatione Domini Anno milleno centeno, sed minus uno Hierusalem Franci captiunt virtute potenti.

quære historias, et invenies. Hujus autem captivitatis, captiois vel ereptionis de manu paganorum, causa exstitit Urbanus papa secundus, vir religiosissimus et reverentissimus, quem divina dispositio de claustro Cluniacensi elegit in sacerdotem

sibi, et in culmine summi pontificatus constituit. Hic coelesti desiderio afflatus, coepit deliberare qualiter civitas sancta Hierusalem ab immundis et nefandis hominibus liberata, Christianis et Christianae religioni redderetur, ut ab eis Deus glorificaretur et honorificaretur; ubi Deus multa pro eis passus fuerat. Ob hoc peregrinationem, gratia Iustrandi Gallias, aggressus est, et veniens Alverniam apud Clarammontem, celebre celebravit concilium: ibique praecipit primatibus, patriarchis, archiepiscopis, episcopis, abbatibus, prioribus, sacerdotibus, ut universos Christicolae ubique terrarum hortarentur, quod pro redemptione animarum suarum iter Hierosolymitanum arriperent, ad recuperandum locum, ubi Deus operatus est salutem nostram et redemptionem nostram: nec etiam pertimescerent pericula terrea vel marina, recordantes quantum laboris ibi pro nobis Deus sustinuit.

Hac de causa eo tempore devotissimus comes Flandrensium monitus instinctu divino, et dux Normanniae, et comes S. Aegidii, nec non et clarissimus princeps Boyinundus, et Ademarus episcopus Podiensis, atque episcopus Albariensis, et episcopus Januariensis, omnes isti divino spiritu hortati, sine rege et imperatore, ad liberandam sanctam civitatem, Christo duce, transfretaverunt, provincias Saracenorum vastaverunt, civitates et castella fregerunt, Turcos occiderunt, et transierunt de gente in gentem, et de regno ad populum alterum, et venerunt Antiochiam, quam multo obtinuerunt labore: et postea, Domino se protegente, Hierusalem obsederunt, et multo conamine, auxilio Dei eam occupaverunt, infidos Saracenos necaverunt, civitatem a spurcitiis idolorum mundaverunt, regem ibi constituerunt, patriarcham ordinaverunt, et plebem ibidem ad inhabitandam et custodiendam civitatem dimiserunt. Populus vero procerum ad alias regiones, cultui divino subjiciendas, cum ipso rege Hierosolymitano profecti sunt.

Nec vos pigeat haec omnia me breviter epilogasse: amonnum est enim omnia scire, quae si scire desideratis, historiam Hierosolymitanam inspicite, quae luce clarius conscripta est ab eo qui omnibus his casibus interfuit. Nunc vero ad modernos, et ad moderna tempora stylum vertamus, breviter intimantes, qua justa occasione, et a quibus caput S. Clementis a Constantinopoli Cluniacum translatum est.

Itaque sciendum est quod plebs Hierosolymis dimissa, ex diversis collecta, genere linguarum, diversis moribus et vita dissimiles, nulla affinitate vel consanguinitate conjuncti erant. Ideoque alter alteri fidem non habebat, sed alter alteri detrahebat. Et Sancta sanctorum sibi a Deo commissa, obliiti beneficiorum Dei, luxuriose vivendo, indigne tractabant, rapinis et furtis inhiantes. Peregrinos vero, qui a mundi finibus illuc venerant adorare, in loco ubi steterunt pedes ejus qui pro nobis ibidem pati dignatus est, dolosificabant; et quod mortis est cauponium et tabernarium, pocula venenata aliquando

A eis porrigebant, ut eis latenter exactis, eorum suppellectili pro libero uterentur arbitrio. Propter hoc Dominus donum, quod eis dederat, ob ingratitude eorum de jure revocavit; et ut ab indignis, indignioribus, in eorum injuriam, civitatem suam tradidit, ad tempus scilicet, Saladino et barbaris gentibus. Sic et olim arcam Testamenti abstulit a filiis Israel, et tradidit in manus Philistinorum, tempore Heli sacerdotis, prostrata innumera multitudine Judaeorum.

Considerans itaque Balduinus illustris comes Flandriae, quod rex Francorum, rexque Anglorum hanc sanctam civitatem praedictam, nutu Dei concitati recuperare putaverunt, sed invidia diaboli, qui hominem de paradiso dejecit, discordes effecit; dum alter alterum fastu regio superare contenderet, et in superbia elati, alter alteri se praeferre nitetur: *Deus, qui superbis resistit (I Petr. v)*, de medio eorum se subtraxit, quia in scissura mentium Deus non habitat: ideoque opus coeptum imperfectum reliquerunt, et discordia quae tunc ab eis concepta est, proh dolor! pro peccato illo, adhuc dum et scribo inter eos durissime durat. Verumtamen civitas Achon Dei auxilio ab eis occupata est, quam civitatem, quae vulgo Acre dicitur, paulo ante Saraceni nobis violenter abstulerant, sed multiplices phalangae peregrinorum zelo Dei maria transfretantes, eandem civitatem obsederunt, sed illi illico a Saladino obsessi sunt. Cumque civitatem ante se impugnarent, a Saladino a tergo impugnabantur, sed ipsi fecerant vallum inter se, et illum, ne in eos facile irruere posset. Carebant quidem victualibus, eo quod nulla negotiatio victualium pervenire ad eos posset. Igitur, fame multo angore tabescebant; ita quod non de salute animarum, sed corporum desperarent. Sed *misericors et miserator Dominus, qui dat escam timentibus se (Psal. cxlv)*, et implet omne animal benedictione (*Psal. cxliv*), aperuit eis manum suam, et prospicientes in mari eminus viderunt classem regis Francorum maria sulcantem. Tunc pavor pavori, et dolor dolori additur, et praetimore clamaverunt, aestimantes auxilium Saracenorum venire ad urbem, tamen miserunt quamdam triremem obviam eis, ut explorarent quanam gens esset. Cumque propius accessissent, substituerunt timentes, quousque cognoverunt vela regia et cruces in proris affixas, et vocati ab eis fiducialius accesserunt. Et cum rem didicissent ut erat, repleti gaudio, reflexis habenis equi lignei, citissime volantes ad littora redeunt. Ibi populus inhiabat audire rumores. At illi antequam terram attingerent, clamare coeperunt: Annuntiamus vobis gaudium magnum quod erit omni populo, quia venit rex Francorum liberare vos de manibus inimicorum vestrorum. Quo audito,

Attollunt animos, palmasque ad sidera tendunt,
(Vinc., *Aeneid.*)

rigantes genas lacrymis, quas magnitudo laetitiae fovebat. Statimque rex appulit ad portum. Cui occur-

rentes cum tympanis, et choris, et citharis, quanto gaudio, imo quanto júbilo eum susceperint, cogita, si potes. Cumque ille et sui oblata potirentur arena, rex munera majoribus largitus est victualium, et pauperibus eleemosynas distribuit, fixisque tentoriis et papilionibus distensis civitatem ex magna parte obsedit: et statim direxit nuntios ad regem Anglorum, qui Cyprum obtinuerat, ibique adhuc morabatur, ut citissime veniret, deferens ei in hoc, quod, eo absente, urbem volebat attentare. Qui concitus cum magno exercitu et regio apparatu veniens, duplicato gaudio circumdederunt urbem; quam post multos labores, auxiliante eo, qui solo.... civitatem ceperunt. Tuncque famelici saturati sunt, et egentes spoliis ditati, et civitas cum magno triumpho obtenta est. Quam si nunc non haberemus, nusquam in partibus illis tutum portum inveniremus. Sed zelo invidiæ reges discordes effecti, ab invicem discedentes, iter Hierosolymitanum postposuerunt.

Hæc supradicta deliberans comes Balduinus Flandrensium, accersito comite Sancti Pauli, et quampluribus aliis baronibus, de Gallia, de Anglia, de Alamannia et de universis mundi provinciis; recollens quod Deus non in multitudine, sed in paucis salvare solitus est; jactans in Domino cogitatum suum, iter Hierosolymitanum arripuit. Cui Dominus in auxilio et consilio dedit comitem, scilicet marchionem Montis-Ferrati, cujus laus et potestas ubique terrarum prædicatur. Duxit etiam secum viros reverentissimos, episcopum videlicet Saixonensem, [f. Suession.] episcopum Trecensem et alios quamplurimos religiosos. Huic sacro comitatu junxit se quidam miles, nomine Dalmacius de Serciaco, vir nobilis et valde litteratus, qui sibi associavit quemdam militem nomine Pontium de Busseria, virum fidelem et bonum socium. Hi pariter cum prædicto exercitu iter arripuerunt, atque Venetiam deveniunt, et a Veneticis venenatis dolose recepti sunt: qui transitum eis neque naulo neque aliquo pretio ex longo tempore concedere voluerunt. Tandem a labyrintho eorum liberati, inciderunt in Carybdim imperatoris Constantinopolitani: qui dolens de adventu eorum, tristitiam cordis facta lætitia celavit, diu in auxilium sibi falsis persuasionibus detinuit, et peracto negotio suo, non ut imperator, sed ut perfidus, stipendia, quæ eis promiserat mentitus est. Et effertis eis, non solum ab urbe, sed etiam a regno eos bello expellere satagebat. At tamen Franci inter incudem et malleum constituti, ad solitam Dei clementiam recurrentes, divinum implorantes auxilium, animati a Deo, qui *potens est in prælio* (Psal. xliii), Græcos tantummodo plebs peditum ante ortum auroræ aggreditur. Græci vero divino nutu terga vertentes, in fugam versi sunt, et unus de nostris centum decem millia persequabatur. Franci autem persequentes, trucidando fugientes, civitatem obtinuerunt, et imperatorem de palatio fugere compulerunt. Quo defecto, comitem Flandrensem pro

A imperatore constituerunt, civitate obtenta. Quapropter idem prædictus Dalmacius, eo quod Hierusalem adire non poterat, deliberavit cum socio suo qualiter caput beati Clementis pie furari posset. Quod caput audierat a quodam imperatore a mari Constantinopolim esse translatum, et in loco celebriori reposuisse. Quod quomodo, Deo concedente, Dalmacius prædictum sancti caput Clementis obtinuerit, ipso narrante, audite.

B Ego Dalmacius de Serciaco, et socius meus Pontius de Busseria, e Thessalonica recedentes, proposueramus terram Hierosolymitanam visitare; sed illuc pervenire non potuimus, propter imminentiū ventorum procellam. Laboravimus itaque per sex hebdomadas super mare. Tandem angustia ventorum compulsi, Constantinopolim iterum applicuimus. Cumque illuc quasi in dolore et tristitia sepultus essem, eo quod voti compos, eundi in Hierusalem habere facultatem nequissem, verens ne fructus tanti laboris, pro quo tot terrena et marina pericula subieram, amitterem, conversus ad Dominum cum lacrymis cœpi orare, dicens: *Illust. a faciem tuam, Domine, super servum tuum, et docume justificationes tuas* (Psal. xxx); et inspirare dignare aliquod factum servo tuo, quod æquipollet voto cœpto, nec completo: sitque tibi peræque gratum, ut meæ remunerationis nummum non amittam. Et ut revera reor, *exaudivit Dominus vocem fletus mei, et orationem meam suscepit* (Psal. vi). Et innatum est, id est conceptum divinitus in mente mea, ut de reliquiis sanctorum, quorum ibi tanta erat copia, quod vilius ibi tractarentur, de eis in transmarinis deferrem partibus; sciens quod quanto longius eorum reliquiæ deferrentur, tanto clarius gloria et laus eorum longius clarescerent. Et dum talia in animo meo volverem, concepi in mente mea, ut consulerem venerabiles et religiosos viros, Ecclesiæ Romanæ cardinales, domnum videlicet Benedictum, domnum Petrum Capuanæ Ecclesiæ cardinalem, qui pari voce et æquali concordia mihi in præceptis dederunt, ut undecunque possem habere sanctorum reliquias absque venalitate, quia lex inhibet ut nemo martyres distrahat, nemo mercetur; et in loco religiosiore ad laudem Dei et ipsorum sanctorum, quorum reliquiæ haberentur, honorifice deponerem. Quo præcepto recepto, cœpto cœpi operi instantèr ardentius effectui mandare quod in voto conceperam: et per totam hiemem Constantinopoli usque in Ramis palmarum hiemantes, studium nostrum apposuimus. Accidit quidem in ipsa Dominica, dum inter prandia essemus, et de sanctorum reliquiis sermocinaremur, quidam sacerdos nomine Marcellus, vir religiosus, territorii Cabilonensis indigena, dixit se scire honorabiles cujusdam sancti reliquias, videlicet caput beati Clementis. Et nos sciscitatumus ab eo, quomodo de his certus erat. Et respondens, se vidisse barretam criscam, id est laminam auream insertam capsulæ, in qua depicta erat imago Sancti Clemen-

tis, et suum proprium nomen Græce scriptum, scilicet, ὁ ἅγιος κλεμέντης, quod Latine dicitur *sanctus Clemens*. Est autem abbatia illa, in qua beati Clementis caput continebatur, magnæ auctoritatis, in eadem civitate, quæ Græce dicitur *Trentafolia*, Latine vero interpretatur *Rosa*. Qualiter vero caput sancti Clementis habuimus, paucis non possumus explanare verbis; breviter tamen quædam insinua-
 bimus. Tunc accessimus ad monachos loci illius, rogantes ut nobis sanctorum reliquias causa orationis ostenderent. Illi vero quemdam clericum nobis tradiderunt, qui nos custodiret, et ea quæ petebamus ostenderet. Ego autem Dalmatius prædicto sacerdoti, et cuidam monacho Cisterciensi, qui nobiscum erat, dans opportunitatem peragendi negotium pro quo veneramus, clericum, qui nos illuc adduxerat, per diversa Ecclesiæ loca mecum deducebam, de multis aliis cum eo colloquens, et aspectum ejus ad contuendas imagines retorquens, faciebam eum vagari, ne posset videre quæ presbyter facturus erat. Tunc presbyter cum tremore accedens ad beati Clementis caput, non est ausus totum assumere, sed mentum cum maxillis caute avulsit, capite derelicto. His factis, cum jam extra portam abbatia essemus, interrogavi ego Dalmatius sacerdotem quid fecisset: ipse respondit se de reliquiis sufficienter accepisse. Quæsi iterum ab eo, utrumne totum caput haberet; respondit: Non, sed tantum mentum cum maxillis. Commotus ergo dixi illi: Nihil fecisti? Ite contenti eo quod habetis; ego, et socius meus Pontius videbimus quid facere poterimus. Sic itaque illis recedentibus nos duo ad monasterium reversi sumus. Monachis ergo, qui in porta erant, quærentibus a quibus regrederemur, ego Dalmatius cibotecas meas in ecclesia reliquisse respondi: sicque cum monachis in porta remanens, detinendi causa, socium meum domnum Pontium, ad implendum quod quærebamus, intus misi. Ille igitur monachum quemdam quasi custodem monasterii retro portam dormientem perspicens, ad negotium implendum festinavit. Et ex Dei permissione, de duobus capitibus sanctorum, quæ in armariolo retro altare continebantur, beati Clementis caput attulit. Consideravit enim quod illud erat S. Clementis, de quo presbyter mentum acceperat. Sicque cum gaudio equos nostros ascendentes, cum festinatione abbatiam exivimus. Comperientes vero monachi quod factum fuerat, cum magno ejulatu post nos currentes, barbarumque suarum et capitum pilos dirumpentes, reliquias sanctas nos furtim rapuisse clamabant. Ego autem Dalmatius Pontium socium meum cito præcedere commonens, ad retardandos monachos haberas reprimens, sinum meum vacuum illis ostendens, nos nihil eis abstulisse pro mendacio asserebam. Sicque ex Dei gratia cum sancta præda per multarum viarum divortia, cum gaudio et timore ad hospitium reversi sumus, sanctumque beati Clementis caput, non quanta debemus, sed quanta ausi fuimus et potuimus, vene-

ratione, in capella domus nostræ occulte reposuimus. Postea vero aliquantulum dubitantes, et de facto nostro certiorari volentes, nullam ausi sumus facere mentionem a die Dominica in Ramis Palmarum usque ad pasceven, sed taciti super hæc permansimus. Illa vero passionis Dominicæ die permutato habitu, et pedites visitantibus sancti, quasi peregrini ad prædictam abbatiam devenimus: et non solum ad adorandum, sed potius ad furandum aliud caput quod relictum fuerat, versus altare viam direximus. Quod viventes monachi multi post nos currentes, usque ad armariolum nobiscum pariter devehent. Vixque multa precum instantia, sanctuarium quod intus erat, manus nostras mirabiliter observantes, osculari permiserunt. Cumque ab ipsis, quare sic timerent, quæreremus, responderunt, pretiosissimas reliquias, caput beati Clementis se de novo taliter amisisse. His auditis, certiores effecti, ab ipsis recessimus, et sic quieti usque in diem Paschæ permansimus. Ipsa autem Resurrectionis die, ego Dalmatius de acquisito capite plurimum gaudens, et ampliorem volens habere certitudinem, quemdam interpretem, quem mecum tenebam, Græcæ et Latine linguæ peritum, ad abbatiam prædictam transmisi, eique ut abbati illius loci insinuaret, quod aliquas reliquias cuidam militi, auri, vel argenti, vel domorum, sive reddituum permutatione concederet, injunxi. Qui ad abbatem veniens, quod sibi injunxeram patefecit. Cum abbas quasi iratus, nullas reliquias, quibus carere vellet, quoniam caput beati Clementis de novo perdidit, se habere respondit. Cumque in hunc modum ab eo interpretes recederet, quidam Venetiani, in quorum dominio et potestate prædicta abbatia sita est, obvii venientes, quidnam quæreret ipsum interrogaverunt. Quibus cum se ad adoranda sancta devenisse respondisset, ipsi ipsum forte ex his qui sanctum caput beati Clementis furati fuerant ei objecerunt. Quibus ille nihil horum se scire respondens, quam citius potuit ab eis recessit. Et ita ad nos rediens, totum quod audierat et viderat recitavit. In hunc igitur modum augmentato et confirmato gaudio nostro, ego Dalmatius nec dum de inquisitione veritatis facti nostri quiescere volens, a quodam Suriano, Moyse nomine, qui ante tempora captivitate civitatis Jerusalem, sepulcri Domini nostri Jesu Christi canonicus et custos exstiterat, et post tempora præfatæ captivitate decesserat Constantinopolim, ibique ultra xv annos moram fecerat, et multa de statu ecclesiarum, et de depositione sanctorum, ut diligens inquisitor audierat, utrumne aliquid de corpore beati Clementis in eadem civitate delatum fuisse audisset, multa diligentia quæsi. Qui siquidem post multam inter se auditorum revolutionem, caput beati Clementis a quodam imperatore longe ante Constantinopolim deportatum, sed ubi repositum fuerit, se nescire respondit. His igitur intersignis et inquisitionibus: ego Dalmatius et socius meus Pontius admodum lætifi-

cati, beati Clementis caput, si Deus prosperum ad patriam nobis reditum concederet, sanctæ Ecclesiæ Cluniacensi nos duros devovimus et promisimus.

Quanto citius ergo potuimus, navem ascendentes, et de prosperitate itineris nostri ex Dei gratia, et patroni nostri sancti Clementis tutamine plurimum confidentes, multa maris spatia usque ad vigiliam Pentecostes satis prospere transivimus. Ipsa autem vigilia invidus ille humani generis inimicus omnium honorum, in quantum a Deo permittitur, perturbator, felicitus, ut credimus, actionibus nostris invidens, noctis illius crepusculo, vehemens et intolerabile venti marisque super nos induxit tormentum. Quo turbine turbati, turbantur et cæcula ponti, et elevatæ sunt *mirabiles elationes maris* (Psal. xcii). Tunc unda dehiscens maris secreta undavit, æstusque furit arenis, et sepulcrum nostrum, ventres scilicet piscium, jam mare paraverat. Tunc extemplo omnium solvuntur frigore membra, eo quod non tam navis inter undas, quam undæ intra navem viderentur. Et carbasus arcemone inclinato jam maria lambere videbatur, et nautæ de vita desperantes, nave relicta in barcellis effugerunt. Cumque omnes alii, qui in navi remanseramus, de evasione et vita desperaremus, et omnium honorum, et malorum oblii extra nos positi fueramus. Tunc confestim *Spiritus* Paracletus, qui *ubi vult spirat* (Joan. iii), inspirare dignatus est nobis, ut confugeremus ad sanctum Clementem, cujus reliquias portabamus, ejusque experiremur clementiam. Nos vero ante capsulam, flexis poplitibus, lacrymis distillantibus, palmis ad cælum extensis, hujusmodi orationem obtulimus: O clementissime Clemens, clementiam tuam imploramus, de cujus patrocinio

A confidimus; ut qui pro nomine Christi in mari subversus es, nos a subversione maris liberare digneris, ut ex hoc veraciter comprobemus te nobis auxiliari.

Oratione autem finita, illico finita est procella, et tranquillitas maris reddita est nobis. Fatemur igitur, et confidenter dicimus, quod statim per beati Clementis merita aquilone fugato, auster prosper prospere successit, et navem ex opposita parte evidenter erigendo, præfatum mortale periculum feliciter evasimus. Et lætabundi lætabundas exsolvimus gratias creatori nostro, sicque per mare volantes citius appulimus ad portum optatum. Postea vero per diversa terrarum spatia, a beate Clemente prospere conducti, vi Kal. Augusti sæpe dictum sancti martyris caput cum multa devotione et honorificentia Domino concedente, et ipso martyre permittente, sanctæ ecclesiæ Cluniacensi, et ejusdem venerabili conventui obtulimus perpetuo venerandum et colendum. A quibus honorifice et cum ingenti reverentia susceptum, cum aliis sanctis reliquiis latantes deposuerunt. Sed paulo post cum ingenti reverentia et honore in capsam argenteam honorificentius recondiderunt. Unde, de ejus clementia sperantes apud eum, qui judicaturus est vivos et mortuos, de ejus patrocinio et advocazione perpetuo confidimus muniti. Ejusque deprecamur clementiam, ut sicut aliquando universalem rexit Ecclesiam; ita nunc hanc specialiter regere et gubernare dignetur. Amen.

C Hoc autem factum est per gratiam Dei, anno 1203, præsentē Innocentio papa, regnante Philippo rege Francorum, adjuvante Domino nostro Jesu Christo, cui est gloria perennis et laus perpetua, per infinita sæcula sæculorum.

Explicit narratio exceptionis apud Cluniacum capitis beati Clementis.

BALDUINI

FLANDRIÆ ET HANNONIÆ COMITIS,

POSTMODUM

IMPERATORIS CONSTANTINOPOLITANI

EPISTOLÆ ET DIPLOMATA.

I.

Litteræ de pace facta inter comitem Balduinum et illos de Tornaco.

(Anno 1197.)

[MARTEN. *Thesaur. Anecd.*, I, 664. Ex Hasnoniensi chartarie dominorum de Avesnis.]

Ego BALDUINUS Flandriæ et Hannoniæ comes om-

D nibus notum fieri volo, quod, sacramento præstito et fide interposita, concessi cuilibet de Tornaco quod firmas eis trugas tenebo, donec firma pax reformata fuerit inter dominum regem et me de illa quidem guerra quæ modo est incepta inter dominum regem Francorum et me, hoc videlicet modo, quod ipsi non poterunt interim amplius firmare cu-